

道德真經廣聖義卷之四十五

行

唐廣成先生杜光庭述

天下皆謂我道大章第六十七

章明
下為玉潔聖人不爭之德此章明
喻大不自示三寶以慈之行初六句
釋道大所以不自示三寶以慈之
其用慈又八句釋釋以慈之利捨慈

之言又四句結歎以慈之德○其曰
太上以慈訓人聖人以謙守位既善
下成不爭之德即道大生不自之疑
以三寶彰餘德之功用意宜極衛之
利然謙不或不忍用人
得人此章通前後之旨

天下皆謂我道大似不肖

注肖似也老君云天下之人皆謂我道大

無所象似我則卷云

疏肖似也老君曰天下後世之人皆謂我

道虛無廣大似無所象故下文卷之

義曰天地大也有清濁之形日月大也有

照灼之明道之為大無臭無聲無形無象

故不可得而擬議之所以天下之人皆言

道無所似爾

夫惟大故似不肖若肖又矣其細也夫

注夫唯我道至大故無所象似若如代間

諸法有所象似則不得稱大久已微細也

夫

疏此卷不肖之所由也夫唯我道廣大迥

超物表固非凡情探賸所知故得稱大若

其有所象似如代間法者則失其所以為

大久矣是微細麤淺之法與俗不殊何足

稱大乎夫者語助也

義曰以大道包容廣無所似故稱為大若

如天地之有形位日月之有光華可稱可

謂可昇可度則不得名為大道其為循常

之狀亦已久矣

我有三寶保而持之

注我道雖大無所象似然有此三行甚可

珍貴能常保倚執持可以理身理國也

疏此明所以不肖者正以有此三行與俗

不同故老君言我道雖大無所象似然有

此三寶甚可珍貴於後代人當須保持執

守以修身理國爾

義曰道雖籠羅衆法兼包萬行化周天地

功洽無垠其於太上所寶以教於世者有

三寶焉若保而持之為國則昇平理身則

貞靜故為修身理國之要也

一曰慈二曰儉三曰不敢為天下先

注慈則廣救儉則足用不敢為天下先故

樂推不厭

疏此列三寶之數也體仁博施愛育群生

慈也節用後人不耗於物儉也不為事始

和而不唱不敢為天下先也弘益之義具

如下文

義曰道存愛育以慈為先養人惜費以儉

為次先人後己以讓為終慈以法天澤無

不核也儉以法地大信不欺也讓以法人

恭謙不爭也此三者理國之本立身之基

寶而貴之故曰三寶夫三寶者道之用也

夫唯大故似不肖者道之體也抱道之體

運道之用理身理國以慈為先矣

夫慈故能勇

注慈仁憫惠則德有餘故勇於救濟

疏此覆述三寶之功也凡人貪競不慈勇

於果敢致有窮屈今聖人以慈為行故能

勇於濟度論語曰仁者必有勇

義曰布仁施惠博愛含生者慈也以慈濟物物無不周以慈立功無不被以慈理國恩浹華夷以慈潤身善均動植故慈之為利也強暴不能侵威武不能害詭邪不能間設使不能誣行之於中而勿宣於外斯可謂勇矣言人貪覩則不慈豈能果敢於濟物善功不立遂有窮乏之時今聖人既果於行慈必勇於濟度故曰勇也仁者必有勇論語憲問篇孔子曰有德者必有言有言者不必有德仁者必有勇勇者不必有仁是也

○ 儉故能廣

注節儉愛費故財用有餘而功施益廣也 疏以其節儉愛費不傷財不害人故功施益廣矣

義曰儉嗇則財豐財豐則惠普普施其惠可謂廣矣人君儉以臨御則朝無雕麗之奢野無箕歛之弊恩惠日以廣德教日以彰固無民饑力匱之患矣 不取為天下先故能成器長

注慈儉之德謙樞蓋先推先與人人必不取故能為神器之長 疏損己益人退身進物是不敢為天下先也以物樂推而成神器之長 義曰聖人大寶者神明之器也言非人力所能成乃天地之大寶爾主此神器為民之長必退身讓物謙己先人者人所樂推必居此位乃為四海兆無之長也此三寶者修道理國能行之者即於身為行所言行者慈儉不敢為天下先是也所言果者行而獲報則為果勇廣成器長三者所得之果也

○ 今捨其慈且勇捨其儉且廣捨其後且先元 注今捨慈且勇勇則害物捨儉且廣廣則傷財捨後且先先則人怨傷財害物聚怨於人是必死之道故云死矣 疏且苟且也世情多欲動與道違捨其利物之慈苟且害人之勇捨其節用之儉苟且奢泰之廣捨其謙退之後苟且於伐之

先如此之行有違慈儉以之理國則國亡以之修身則身喪故云死矣 義曰言常俗之夫違聖人之行捨此三寶肆其慈心強勇而不顧其慈奢侈而不崇其儉力爭求勝無讓於人故皆喪身敗國之資取怨傷生之本謂之死矣不亦然乎夫行慈不已則得勇於濟物之功行儉不已則得廣於利物之惠行讓不已則成厚德長民之美苟或捨之失道遠矣所以成三果者謂慈則濟物成其功也儉則利物成其惠也讓則先物成其德也詎可輕而捨之哉

○ 夫慈以戰則勝以守則固 注用慈以戰利在全衆用慈以守利在安人各保安全故能勝固爾 疏慈為三寶之首故偏歎美也夫用慈以拒戰則能全衆用慈以捍守可以安人皆不失慈故能勝固也 義曰戰者主客交兵之謂也陳兵於野白刃爭鋒此為戰也若勇於殺獲不務哀傷

勝負之勢固未可保若以慈為先戰則勝矣勝在慈勝豈在於殺人乎閉門堅拒曰守夫守者以慈為先衆心固矣若以溝隍為險城雉為固守之堅勝未可知也故慈之所利不亦廣乎

天將救之以慈衛之

注以慈戰守豈但人和天道孔明亦將救衛戰勝天救也守固天衛也是皆以慈故云天將救之以慈衛之也

疏救助也衛護也天道福善善人則吉無不利故以慈戰者天將助之以慈守者天將護之戰勝守固始賴用慈之功救之衛之終獲孔明之助爾

義曰天道無親常與善人善人謂行慈之人也善以慈惠為本慈以拯救為功故行慈之人物不能敵以戰則慈者勝以守則慈者固上合天道旁感物心物不能傷是為天所救衛矣此以三寶垂訓慈儉者救衛之功前彰大道無方後繼為士不武不以強武之理亦猶慈以捍敵而能配天成

功矣

古之善為士者章第六十八 疏前章不月示三寶以慈之行此章明為士不武標四善配天之極首標四善之行次數是謂不爭結善可以配天持明古之要道○義曰大聖之德與道法同非言理可窮非贊美所及而德法救代發昏擊蒙廣示因修旁明謹

古之善為士者不武 注士事也善以道為理國之事者尚德故云不武

疏士事也武威也明德之君用道為理行慈儉而育物不威武以御人所尚以慈故云不武

義曰有道之君其理國也先以道化之次以德教之復以文撫之示以淳和兼以仁育和故不尚於威武也所謂以武為備蓋備豫不虞非專用之事故曰不武言不用武也易曰重門擊柝以待暴客 善戰者不怒 注事不得已必須應敵以慈為善故不德

怒

疏師出應敵事在慈哀蚊蚋致螫驅除而已是知善戰在乎止敵不在乎憑怒故云善戰不怒 義曰哲后臨人固無兵革設有戈甲必不得已而用之所以高智善謀有征無戰苟在勝敵非樂殺人或以悲哀泣之喪禮處之宜憑怒而求殺獲也

善勝敵者不爭

注師克在和則善勝全勝之善故不交

疏善勝在夫以慈不爭由乎尚德若用力爭勝非善勝也今柔遠能通蓋暢慈和不與敵爭敵人自伏故云善勝不爭

義曰既不廣求殺獲又不憑怒陵人眼之以慈柔之以德或射戟以和其敵或倒戈自攻其徒或解圍於吟嘯之間或悛逆於干羽之際斯謂善勝矣 善用人者為之下 注悅以使人人盡其力必先下之是謂善

用

疏夫善用其人以言謙下人必盡力可以成功故易曰以貴下賤大得人也

義曰握髮種賢賢必致用吮癰撫士必相驅既感眾心必能盡力善用之道其在

茲乎以貴下賤者易屯卦初九盤桓利居貞利建侯象曰雖盤桓志行正也以貴下

賤大得民也此謂處屯之初動則難生不可以進故盤桓也利建侯者息亂以靜守

靜以俟安民在正弘正在謙民思其主之時初處其首而又下之陽貴而陰賤以貴

下賤宜得其人此喻人君以謙為本以下為基而得民心也

是謂不爭之德 疏此結上文善士者常柔而不武善戰者

常慈而不怒善勝者常讓而不爭善用人者常謙而為下如是者物竭其能人盡其

用皆由謙下之所致豈非不爭之德乎 義曰禮而下士士得竭其能悅以使人人

得宜其力不憑怒以傷物不矜武以伐功

以慈為先以謙為本不力爭求勝不尊已侮人以此用材人效其命以守以戰則固而且勝理身理國則壽而求事所向無前

是不爭之德也 是謂用人之力 疏夫玄默恭已謙虛下人人皆歡心思竭

其力故易曰悅以使民民忘其勞是用入之力也

義曰聖人所教理國修身柔遠則德彰謙和則人服使人則人盡其力弘化則化洽

無疆故曰用人之力也悅以使人者兌卦辭曰兌悅也順乎天而應乎人悅以使人

人忘其勞悅以犯難人忘其死此歎美悅之所致亦申明應人之德也先以悅撫民

然後使之從事民皆竭力忘其從事之勞施悅於人所致如此豈非悅義及人能使人

勸勉矣是則怒而戰者危事也武為已任者凶德也爭而勝者強梁也虐以使人

者召禍也於身於國何所利哉 是謂配天古之極

注善勝是不爭之德為下是用入之力能如此者可以配天稱帝是古之至極要道也

疏此總結上來四善之行不爭之德能行之者可以配天稱帝是古之至極要道

義曰惟后配天代天理物必資睿德以致人和且三寶以慈倫為先四善以謙讓為

要不伐功於武勇自叶止戈不求勝於戰爭果能合道然繼以為客退尺之義是懼

輕敵獲勝矣及將交則哀者獲勝矣 用兵有言章第六十九 疏前車明善

故可以配天此章明用兵有言輕敵則與兵實初一句標宗以故問次

六句示行以辨明後四句中成問次知慈與者必勝○義曰故理之君以

善為本執德守已以禮下人三寶四善之功成之至與讓王為客之義慎

亦當為無執德而不在所實先全用可無據無執何禍何憂所實先全用

也 來為勝斯言顯矣而執知執行知若苦辛則若為貴此語通前後章之首

用兵有言

注老君傷時王殘人於兵故託古以陳戒有言者謂下句也

疏老若疾時輕敵致禍樂戰殺人故託古以申誠所稱有言謂下句也

義曰大道以好生惡殺代人以樂戰傷民為君則貪利土疆慶兵絕域為臣則圖趨功實轉戰窮荒膏血原血塗草莽老君憫其赤子念彼無辜演法垂文以陳至戒

是知兵者非威德之器械者是凶危之機好生之君不得已而方用用而不戒斯暴也哉

吾不教為主而為客

疏吾者用兵之人也先唱為主後應為客主先唱示生事而貪客後應示以慈自守欲明古者用兵常有戒令當須以慈自守不可生事而貪故云不教為主而為客

義曰夫安居之世先動者為主後應者為客陳兵於野先動者為客後應者為主斯用兵主客之定分也兵法言之反有先後然客主之道勝負之宜決於善謀不尚武力若殺人而取勝輕敵而立功禍福不預萌存亡安可保故曰將者人之司命也生

死猶轉機得失如反掌可不慎乎老君戒令守柔使之揣敵不敢先唱以始禍固在應敵而不爭苟在受人豈欲求勝以慈以讓庶必保全者體此而用之必天殺而慈衛矣

不敢進寸而退尺

注主有動作則生事而貪客無營為則以慈自守自守則全勝生事則敗亡進雖少不能無事退雖多不失謙讓故不敢進於寸而退於尺也

疏夫以道退守則善勝進兵取強則敗亡故進雖少猶傷於貪退雖多愈得謙讓本鄙其競爭則云不敢進寸尚其慈讓故云退尺

義曰夫以道為國不恃軍功用德牧人寧勞武力且兵者凶器也戰者危事也驅彼蒸人執持凶器深入敵境自投危亡豈為理國之務也且貪進必樂殺樂殺則殘人勇退必懷慈懷慈則體道能體道而退尺者可謂萬勝萬全矣

是謂行無行

注為客退尺不與物爭雖行應敵與無行同也

疏夫行師在乎止敵止敵貴乎不爭今為客退尺善勝不爭雖行應敵與無行同矣

義曰應敵出師蓋不得已豈果敢於行師乎以慈守眾以德撫人既不銳於爭鋒復無心於克敵自然德勝也靈寶經云守道之士以戒檢心彼來加我志在不報此其謂歟

攘無臂

注攘臂所以表怒今善戰不怒故若無臂可攘

疏注云攘臂所以表怒善戰不怒故若無臂可攘故曰攘無臂

義曰夫士之怒也裂背衝冠奮衣攘臂將銳於爭戰矣道之為理惡殺尚慈既已不爭固當無敵設有應敵不得已而出師非務力爭故若不攘臂矣仍無敵

注仍引也引敵者欲爭不爭故若無敵可

引

疏仍謂引也夫引敵欲有所爭今以不爭為德是若無敵可引故曰仍無敵也

義曰既無仍引非在戰爭有敵不爭固若

無敵矣

執無兵

注執兵所以表殺今以慈為主故雖執與無兵同

無兵同

疏執猶持也兵者五兵戈矛之屬也夫執

兵者將欲殺敵以慈為主自戡干戈則雖

有兵本無殺意是則與無兵同也

義曰法道為君不務兵戰既非獲已應敵

帥師兵克在和師出以律無拓土開邊之

志無爭鋒欲怨之心行若無行敵若無敵

攘若無臂執若無兵推此四無叶夫三寶

則射既夾脰之矢烏號繫弱之弓魚腸昆

吾之刀太阿巨闕之劍吳鈎楚矛蜀弩蓋

勞宜假執持無所用矣五兵者戈矛戈戟

千言有五等也周禮廬人為廬器凡柶過

三其身不能用也柶柄也戈柶長六尺六寸是長尋有四尺八尺曰尋言一丈二尺

也牙常有四尺夷牙三尋夷長也長二丈

四尺平野之兵欲長山林之兵欲短執欲

其銳被欲其堅牙戈戟為鈎兵欲無捍刺

兵欲無撓戈爰為擊兵欲上下強弱均用

之欲其疾速也兵有鼓角金革牙旗斧鉞

甲冑旌節旗旗旒旒弓弩弧矢各有制度

其大約分為五等三制九章之法想兵有

刀劍七首之異皆所以禦敵制勝也既以

慈制敵以德行師雖執其兵執而不用故

若無兵也說文曰拱手執斤曰兵

禍莫大於輕敵輕敵幾喪吾寶

注為禍之大莫大輕侮敵人輕侮敵人則

殆喪吾以慈之寶矣

疏幾近也喪失也寶謂慈也夫為禍之大

莫大於輕侮前敵好事文爭如此則近喪

失吾以慈之寶矣且夫慈以戰則敗亡以

守則難散代間之禍雖非一途離散敗亡

禍之大者也

義曰用兵之道敵國在前先代其謀次料

其敵勇怯既等乘復均然猶得天之時

假地之利揣理之曲直因人之協和或高

壘深溝控孔明之銳氣焚舟而沉雲秦繆

之前羞須長星而告終封散尸而歸國若

不然者則五千深入永悲於鴈塞龍堆百

萬橫行竟怯於風驚鶴唳晉山草木盡變

人形昆陽犀象寧為我用則謙慈之寶於

茲喪矣

故抗兵相加衰者勝矣

注抗舉也兩國舉兵以相加則慈哀於人

者勝也

疏抗舉也夫兩國抗兵以相加則由其君

用道其將以慈於哀於人不求多殺者獲

勝矣

義曰夫雖戎狄侵邊豺狼害國奸凶肆孽

妖逆亂常推轂命師鑿門按律與民除害

不得已而征之猶慮強抗則乖仁政哀慈

則合道合道者必勝乖仁者必亡此天理

之常然詎可誣而蔽也以慈之感無或忽

諸

道德真經廣聖義卷之四十五

道德真經廣聖義卷之四十六

唐廣成先生杜光庭述

行

吾言甚易知章第七十
釋此章明悟理之教示其易知易
知則必有宗若輕則失其意若初
下詳釋易知之意夫唯下辨說不曉
之由後聖之懷五以易動行之上
士爾○義曰既明行意者雖難於
亡此言易知易行而迷者不知不覺
以其不知於至道不能深了於戒言
善法則於道信為真身若披揚而
懷玉非常使之可成大道易知也而
不知者信為愚矣不知而強知者聖
人不取故下車
次而明之也

吾言甚易知甚易行

注老君云吾所說言解理故易知簡事故

易行

疏老君言我所言者以暢於理暢則言
忘故易知也吾所事者事於無事事簡則

無為故易行也

義曰吾者老君也明此二經老君言教三
寶四善儉讓謙慈皆實易知易行可以理
身理國以無為為本以清靜為基清靜無
為事簡理暢知之甚易行之豈難

天下莫能知莫能行

注天下之人滯言而不悟煩事而不約故

莫能知莫能行

疏此歎衆生不能了言無言執言而滯教
感於言教故莫能知也不能悟事無事煩

事而不約迷於塵事故莫能行也

義曰代人惑於圖功輕敵不能儉讓謙慈
既莫知之豈能行也且夫五千垂教雖深
契重玄而導世引凡且事唯簡要無為則
易悟無事則易行而奔無為無事之門趨

執教滯言之路以斯致惑故莫能知勉話

君宗早期了悟此老君所以戒勸也

言有宗事有君

注言者在理得理而言忘故言以無言為
宗事者在功功成而不宰故事以無事為

君

疏此覆釋易知易行所由宗本也君主也
夫言者所以在理得理而忘言故言以不
言而為宗本事者所以在功功成而道事
故事以無事為君主此豈不易知易行耶